





COPY

میلہ اکھیاں ۱

COPY

# میلہ اکھیاں دا

العام یافتہ (پنجاب رائٹرز گلڈ)

انور مسعود

دوست پبلی کیشنز

اسلام آباد - لاہور - کراچی

## ضابطہ

ISBN: 969-496-260-9

میلہ اکھیاں دا	کتاب
انور مسعود	شاعر
۱۹۷۴ء	پہلا ایڈیشن
۲۰۱۱ء	سترہواں ایڈیشن
اسلم کمال	ایکچیز
خالد رشید	سرورق
درڈ میٹ، اسلام آباد	مطبع
200.00 روپے	قیمت

دوست پبلی کیشنز: پلاٹ ۱۱۰، سڑک ۱۵، ۱-۹/۲، پوسٹ بکس نمبر 2958، اسلام آباد

فون: 051-4102784-5 E-mail: dostpub@nayatel.net.pk

اپنی اہلیہ

# صدیقہ انور

دے ناں

COPY

COPY

## ترتیب

۱۱	پہلی گل
۱۳	جان پچھان
۱۵	پنجابی دانظیر اکبر آبادی
۱۹	عوامی شاعر
۲۳	نویسکی آواز
۲۵	حضرت میاں محمد بخشؒ دی خدمت و بیج
۲۹	امبوی
۳۲	آج کیسہ پکائیے
۳۸	بدل
۴۰	ہالیا



۴۳	لُسی تے چاء
۴۹	اخبار
۵۳	انارکلی دیاں شانناں
۵۷	وینا
۵۹	جہلم دے پُل تے
۶۶	رِجھناں
۶۸	تندور
۷۶	وَرہیاں دے پینڈے
۷۹	چار شعر
۸۰	حال اوئے پاہریا
۸۸	تسلِیاں
۹۲	پٹ سیا پا
۱۰۱	وگوچہ

۱۰۲

اک خواب

۱۰۸

قطعه

۱۱۰

پیر فضل گجراتی دی یاد وچ

COPY

COPY

# پہلی گل

میرے نزدیک عوامی لب و لہجہ امی فصاحت و اصل معیار اے۔ ایسے  
گلے میں اینہاں نظماں وچ مکالمیاں ہی بنادبول چال دی زبان تے رکھی اے۔  
پنجابی میری مادری زبان اے۔ ایس لہجی میرے اُتے سب توں زیادہ

احسان میری والدہ محترمہ دا اے جتھاں مینوں ایہہ بولی بولنی سکھاٹی تے آج  
رتیکر میں اپنیاں غلطیاں دی اصلاح اوہناں کو لوں لیناں — ایہہ پر میری سکول  
میرے لہجی پنجابی زبان دا کالج دی ثابت ہو یا تے یونیورسٹی دی —

میں ایہہ لہجہ کدی نہ لکھ سکدا جے مینوں اپنے اُستاد محترم پروفیسر  
فضل حسین تے پیر فضل حسین فضل دا تھا پڑا نہ ہوندا۔ اینہاں دو ماں فضل حسیناں نے  
مینوں پنجابی وچ شعر کہن دا چسکا پایا نیس تے آج میں صرف اُر دو دا شاعر  
ہوندا —

میں اپنے محترم بزرگ مولانا عبد اللطیف افضل دادی بڑا شکہ گزار  
آں کہ اوہناں میرے شعر کہن دے شوق دی قدر کیتی تے میسر ہی بڑی

ہمت و دھائی -

دوستان و چوں میں ایوب محسن، خاقان خاور، ڈاکٹر افضل اعزاز،  
سرور تجاز، رشید نوشاہی، شاہد اختر، ارشاد صدیقی، پروفیسر اسلم انصاری،  
ڈاکٹر آفتاب اصغر، پروفیسر خورشید رضوی، پروفیسر عبدالرحمن بچہ، پروفیسر  
محمد اکرم تے پروفیسر منظور حسین ہوراں دا خاص طور تے ممنون آں جتھاں کولوں  
مینوں پنجابی وچ شعر لکھدیاں رہن دی شہ ملی رہی -

میرے دوست حنیف تائب ہوراں ایس مجموعے دی ترتیب دے سلسلے  
وچ میری بڑی مدد فرمائی اے - میں اونھاں دا بڑا احسان مند آں -

انور مسعود

## نوٹ

ایس کتاب دے چند ابتدائی ایڈیشن 'پیر فضل دی یاد وچ' تک شائع  
ہوندے رہے - بعد وچ جیہڑیاں نظماں دا اضافہ کیتا گیا سی اوہ نویں  
مجموعے "ہُن کیہ کرے" وچ شامل کردتیاں گئیاں نیں - بارہواں  
ایڈیشن پہلی ضخامت نال ای شائع ہو رہیا اے -

انور مسعود

# جان بچپان

(مرحوم پیر فضل حسین فضل گجراتی ہوراں می سنہ ۱۹۷۷ء وچ میرے باپے اینھاں خیالات دا  
اظہار کیتا سی۔ اینھاں شعراں نوں تیرک سمجھ کے اپن مجموعے وچ شامل کیتا جا رہیا ہے۔)

کھولن واسطے اکھ معائنہ دے دی سوہنے لکھائے شعر اشعار انور  
زنگ طرز مزاج دا چارھ کے تے جانداں چوہہ مٹھے مٹھے خار انور

پڑھے شعر تے ایس نوں ہر طرفوں داواں تہقیاں دے نال ملدیاں نیں  
طُرفہ محضال دے وچ پہنچ کے تے دینداں زعفران دے چھٹے مار انور

پاکے لسی تے چا دی چھج کدھرے کدھرے چنگاں دا ماچھن دے نال جھگڑا  
سسن نال لڑوا کے نوٹھ کدھرے سنداں بہہ کے کول کھڑے کار انور

نار کلی تے مجھ دا چھیر قصہ انگلی دکھدیاں رگاں تے دھری جانداں  
نفتے بے راہروی دے کھچ کے تے بھر دے چوہنڈیاں نغز گفٹاں انور

اکو وار لالے وانگ ٹہک پیندا بے جھڑا وانگ نرگس نہ تو جھان سووے  
اپنے زورِ ظرافت دے نال دیندائے ڈٹے دل غمگیناں دے تارا نور

صاف صاف سادے سادے شعر لکھے جیڑے عاں دی سمجھ وچ آجاوون  
سُننے والیاں نوں سکسار رکھے پانڈا نیئیں دماغاں تے بہار انور

اڈا اڈا کے جبد مضمون اپول ایہدی پئے فتراک دے وچ ڈگن  
جدوں دشت خیال وچ سٹدا اے اپنی طبع دا شوخ رہو رانور

ایہہ کجھ پڑھن لئی جدوں کھلو جاندا ہے فیر لوک نیئیں ایس نوں بہن دیندے  
پیرو وچ مشاعرے دے پانڈیاں ای جاندا ہے سمجھ مشاعرے دی تارا نور

ہے بس الحاصل ایہدے شعر پڑھ کے عینوں فضل حاصل اپنی بات ہو گئی  
بات بات وچوں کرے بات پیدا نچتہ کو انور نچتہ کار انور

# پنجابی دا نظیر اکبر آبادی

انور مسعود دیاں پنجابی نظماں، پہلوں سُن کے تے ہُن پڑھ کے مینوں اُردو  
دا لوک شاعر نظیر اکبر آبادی یاد آؤندا اے۔ اوہو لوک روزمرہ، اوہو لوک محاورہ  
اوہو لوک مسئلے تے اوہو لوک موضوع۔

سُنبھا اے کہ نظیر بڑا عالم آدمی سی تے بچیاں نوں پڑھاندا سی پر اپنی شاعری  
لئی اُس نے بظاہر اپنے علم کوں صرف گل کہن دا سلیقہ حاصل کیتا۔ اُس نے گل  
ایسی تے ایس طرحاں کہی جس نوں عام لوکی وی سمجھ لین۔ صرف سمجھ امی نہ لین  
بلکہ اس توں لطف وی اٹھان تے اس نوں اپنیاں سوچاں دا اک حصہ وی  
بنالین۔

انور مسعود وی عالم آدمی اے۔ اوہ وی بچیاں نوں پڑھاندا اے تے  
اُس نے وی علم کوں گل کہن دا سلیقہ حاصل کیتا اے۔ اُس نوں وی اچھی طرحاں  
پتہ اے کہ اس دی شاعری دے مخاطب کون لوکی نیں۔ ایسے لئی اُس دیاں  
نظماں دی زبان تے غور کرو تاں رنج جا پدا اے جویں اس نے تاں مدر سے



داکہ دی مومنہ دی نیس ویکیہا ہووے گا۔ اُس نے تاں اپنی پوری جیتی  
 کساناں دے نال پنڈاں وچ گزاری ہووے گی تے شہراں وچوں اک بھولے بھلا  
 مسافر وانگوں گزردا ہویا آگے تھل گیا ہووے گا۔ پر ایس دا ایہہ مطلب  
 نہیں کہ نظیر تے انور نے اپنے علم نوں اک پاسے رکھ کے شاعری  
 کیتی — نیس — اصل گل ایہہ ہے کہ اوہ فن وچ اپنے علم  
 دے ڈھول نیس وجاندے بلکہ اس توں بڑے گچھے گچھے کم لیندے نیس۔ دونوں  
 بڑے جیندے جاگدے شاعر نیس۔ نظیر دیاں نظماں اُس دے زمانے دے  
 معاشرے دے آئینے نیس تے انور مسعود دیاں نظماں ویہویں صدی دے  
 دوجے اڈھ دے پاکستانی معاشرے دیاں تصویراں نیس۔ نظیر اکبر آبادی تے  
 انور مسعود وچ جے کوئی فرق اسے ناں اوہ (زبانان توں علاوہ) دوہاں  
 دے زمانیاں دا فرق اے، ورنہ دونوں جاہدے تے ہسدے کھیددے  
 نیس، پر اوہناں نے ٹھٹھے محول دے نال نال طنز دے بڑیاں تیز نوکاں والے  
 نیزے دی چٹکتے ہووے نیس تے اپنی ہس دیاں ہویاں تے پڑھن سنن والیاں فوس  
 ہساندیاں ہویاں، اوہ معاشرے تے طنز دا اس زور دا وار کر دے نیس کہ پڑھن  
 سنن والیاں دیاں رُوحاں کنب جان دیاں نیس۔ یاد رکھن والی گل ایہہ وے ہے  
 طنز دا ایناں کیٹلا وار علم باہجھوں ممکن ای نیس۔ ہسان والے نے نہانوں بہت  
 مل جان گے پر ہسانڈیاں ہسانڈیاں اتھر وکھڑ لین والے ٹانویں ٹانویں ای  
 ہون گے۔ اوہناں ٹانویاں ٹانویاں فنکاراں وچ اُردو دے نظیر اکبر آبادی تے



پنجابی زبان نوں اک ایسا محسن ملیا اے جیہڑا اس زبان نوں اپنیاں نظماں دا  
آب حیات پلا رہیا اے -

احمد ندیم قاسمی

COPY

# عوامی شاعر

ادھر کچھ مدت سے پنجابی ادب بالخصوص پنجابی شاعری میں ایک ایسا انقلاب برپا ہے جس کے اثرات بڑے دور رس ہوں گے۔ یہ انقلاب اپنے جلو میں نئی تحقیقی فکر، سوچنے کا نیا ڈھنگ اور غور و فکر کرنے کا نیا انداز لے کر آیا ہے۔ اس انقلاب کے ساتھ زندگی اور کائنات کے بارے میں نیا اندازِ نظر، نیا طرزِ احساس اور نیا زاویہ نگاہ در آیا ہے۔ یہ انقلاب اپنی نوعیت کے اعتبار سے اس نوع کی تبدیلی کا متقاضی نہیں ہے جس کا واضح مفہوم یہ ہو کہ نئے زمانے کا شاعر اپنی کلاسیکی روایات سے کلیتہً منقطع ہو کر ایسی راہیں تراشنے جن کا پچھلے ادکار سے دور کا بھی واسطہ نہ ہو۔ ایسا نہیں ہے یہ انقلاب روایت شکن ضرور ہے مگر پنجابی زبان کے اُس سرمائے کو بدستور اپنے سینے سے لگائے ہوئے ہے جس کے پیچھے سید وارث شاہ، میاں محمد بخش شاہ حسین، بکھے شاہ اور غلام رسول کے دل دھڑک رہے ہیں۔ یہ انقلاب پچھلی روایات کا حکیمانہ جائزہ لیتا ہے اور ان بزرگوں کے نفسِ گرم سے فیض پاکر زمانے کے نئے تقاضوں کو اپنے اندر سموٹے دیتا ہے۔ اس خوش آئند

انقلاب کے علمبرداروں کی صف میں ایک بہت نمایاں نام نظر آ رہا ہے اور یہ نام ہے انور مسعود کا۔ انور مسعود جو آج پنجابی شاعری کے اُفتی پر ایک ایسے روشن ستارے کی طرح چمک رہا ہے جس کی تابناکیوں سے ارد گرد کی فضا میں یکدم منور ہو جائیں! اُس کی شاعری میں وہ سب کچھ ہے جسے پنجابی کی بہترین کلاسیکی روایات نے اپنے آغوش میں پالا ہے اور وہ بھی سب کچھ ہے جسے نئے دور کا فکری تقاضا کہنا چاہیے۔

انور مسعود کی شاعری بڑی جاندار، بڑی توانا اور بڑی خوبصورت شاعری ہے۔ اپنے رنگ اور آہنگ کے لحاظ سے اُسے جدید شاعری کہتے ہوئے ذرہ برابر تامل نہیں ہوتا۔ لیکن جب اُس کے فکری مواد کا تجزیہ کیا جاتا ہے تو معلوم ہوتا ہے کہ اُس نے بالعموم اُن انسانی جذبات کی عکاسی کی ہے جو ماضی قریب کے شعراء کے ذہنوں پر بھی پرتوا لگن تھے۔ اُس کی بنیادی وجہ یہ ہے کہ انور مسعود بنیادی طور پر عوامی شاعر ہے۔ اُن لوگوں کا شاعر ہے جو قرن ہا قرن سے وقت کے پُل کے نیچے کارواں درکارواں چلے جا رہے ہیں اُس نے تعلیمی میدان میں بہت ترقی کی ہے۔ فارسی کا ایم۔ اے اُس نے گولڈ میڈلسٹ کی امتیازی حیثیت سے پاس کیا اور کئی سال سے تدریسی فرائض ادا کر رہا ہے۔ لیکن جب وہ شعر لکھتا ہے تو ہمارے اپنے عوامِ درِ حق اُس کے سامنے آ جاتے ہیں اور پھر یوں لگتا ہے کہ وہ ہر ایک سے ہنس ہنس کر باتیں کر رہا ہے۔ بڑی محنت، بڑے پیار سے اُنھیں اپنی باتیں سناتا ہے اور

بڑے غور سے اُن کی باتیں بھی سنتا چلا جاتا ہے مگر اُس کی ذمہ داری اسی طریق کا  
 تک محدود نہیں رہتی۔ اس کا اصل کمال یہ ہے کہ وہ اپنے عوام کے دلوں میں  
 جھانکتا بھی جاتا ہے اور جو کچھ وہاں سے پاتا ہے اُسے انتہائی خلوص کے ساتھ  
 اپنے دل میں محفوظ کرتا چلا جا رہا ہے۔ یہی عوام کے دلوں کی کیفیات اس کی  
 شاعری کا سرچشمہ ہیں۔

اگر مجھ سے کہا جائے کہ انور مسعود کی شاعری کو سامنے رکھ کر اُسے کسی  
 اور شاعر کے مماثل ٹھہراؤ تو میں فی الفور کہہ دوں گا کہ موجودہ دور کا یہ ہونہا  
 شاعر اپنی ہمہ گیر مقبولیت کے اعتبار سے پنجابی کا نظیر اکبر آبادی ہے۔ انور مسعود  
 نظیر اکبر آبادی ہی کی طرح عوامی زندگی کے چھوٹے چھوٹے سے مظاہرے میں  
 حصہ لیتا ہے۔ لیکن ایک فرق کے ساتھ — اور یہی وہ فرق ہے جو انور مسعود  
 کو بیسویں صدی کے نصف ثانی کا شاعر بنا رہا ہے۔ نظیر نے عوامی زندگی میں گہری  
 دلچسپی لی اور جو کچھ دیکھا اُسے شعروں میں پیش کر دیا۔ انور مسعود نے بھی عوامی زندگی  
 میں بڑی دلچسپی کا اظہار کیا اور جو کچھ محسوس کیا اُسے تحریر ہی صورت دے دی۔  
 انور مسعود جدید دور کا بالغ نظر اور حقیقت بین شاعر ہے۔ عوام کے دلوں میں جذبات  
 کی رنگارنگ دنیا کو وہ بھی نظیر اکبر آبادی کی طرح دیکھتا ہے۔ مگر اس کی نظر اس  
 دنیا تک محدود نہیں رہتی۔ اُس پس منظر میں بھی جاتی ہے جہاں سے اس دنیا  
 کو اخذ رنگ کا موقع ملتا ہے۔ جہاں عوامی سوچ بچار اور امیال و خواہشات  
 کے محرکات برسرِ پیکار ہیں۔ وہ اس سرچشمہ رنگ و بواور اُن محرکات کو

بطورِ خاص سامنے رکھتا ہے یہی وجہ ہے کہ اُس کی شاعری میں عام باتوں کے عقب میں ایک لطیف طنز کی ہلکی سی لہر بھی رواں دواں بہتی ہے۔ اُس کا فن کارانہ کمال یہ ہے کہ اُس نے اس طنز کو اپنے اُوپر حاوی ہونے نہیں دیا۔ اُسے اپنی فکر میں سمیٹ لیا ہے۔ بایوں کہیے کہ زہر پر شہد کی گہری نمنہ لپیٹ دی ہے۔

اُس کی شاعری عام واقعات، حادثات، روزمرہ کے معمولات کی شاعری ہے اُس نے اُن کے ساتھ کوئی مابعد الطبیعیاتی تصورات وابستہ نہیں کیے۔ صاف، واضح، خوشنما شاعری کے ذریعے اُن پر اظہارِ خیال ہے اور اس طرح کیا ہے کہ میں نے یہ جانا کہ گویا یہ بھی میرے دل میں ہے

اُس کی شاعری میں بلا کی سادگی ہے مگر اس کے ساتھ ساتھ ایسی پرکاری بھی ہے جو ایک بڑے شاعر ہی کے حصے میں آسکتی ہے

الفاظ کے استعمال میں خوش سلیقگی اور بحروں کے انتخاب میں ترقم اور نغمگی ہے۔ شعر اس طرح دل میں اُترتے چلے جاتے ہیں جیسے فضا میں قوس قزح پھیل جاتی ہے۔ مگر اس کی شاعری صرف قوس قزح نہیں ہے اس قوس قزح کے رنگ میں تلخیوں کے دھبے بھی ہیں اس لیے میں کہتا ہوں کہ انور مسعود زندگی کی مٹھاس، تلخی اور زہرناکی کا شاعر ہے

میرزا ادیب

میکیری مغربی پاکستان رائٹرز گلڈ۔ لاہور

۹ ستمبر ۱۹۶۹ء

# نویکی آواز

اجوکی پنجابی شاعری دی کھڑی گلزار وچ انور مسعود اک دکھری ٹاہنی تے بیٹھا بول  
بول رہیا اے۔ اوس دی آواز بالکل نویکی اے۔ گجھی رہے نہ ہیر ہزار وچو۔ جو کجھ اوس  
نے اکھیا تے جکھن اکھیا اے کسے ہوزئیں اکھیا تے جے جتن دی کیتا اے تاں اوہ سواد  
پیدائیں کر سکیا۔

پنجاب دے پورے کھلار وچ جتھے جتھے اوس نوں بلایاں یا ملازمت دے سلسلے  
وچ جان دا اتفاق ہو یا تے لوکاں دا اوس نوں سنن دا تے مڑ مڑ کے سنن دا چاٹھائیں  
ہو یا کیوں جے اوس دیاں نظماں دا سواد پھکا پے جان والا اے تے نہ روپ۔  
انور مسعود نے معاشرے دے ڈوب تے کوچ ایس بے تکلفی نال تے انج بھولے  
بہا اپنیا نظماں راہیں دے نیں جے نہ اوس دے اپنے منہ دا سواد کوڑا ہو یا اے تے  
نہ سنن والیاں دے کن کالے ہوئے نیں۔



اوہ لوک وی جیڑے اقتصادى لحاظ نال پیسے دے پتر ایس معاشرے نوں تھاپڑے  
 لائی آؤندے نیں تے اوہ بھی اخلاقى لحاظ نال جنہاں دیاں اکھاں وچ شرم دا کجلائی تے  
 جنہاں وچوں بتیاں دیاں تہذیبى قدراں دیاں "تنگ پوشا کاں وچ پھاہتھیاں ہوئیاں جاناں"  
 تے دکھیاں دل بچ بچ کر کے کھل جان والے بیڑے لو اکے سمجھوتیاں دے راہ کڈھ لے  
 ہوئے نیں اس دے دے ہونے ناسوراں نوں ناسور سمجھن دل آؤن نہ آؤن اس دیاں  
 گلاں دی مٹھی مٹھی چوبھ اگے سی نیں کر دے۔

شریف کنجاہی

# حضرت میاں محمد بخشؒ

(مصنّف مثنوی سیف الملوک) دی خدمت وِچ

میں بے قیمت لکھاں دانگوں ہولاجیوں پر چھانواں  
تُساں جیہا کوئی مرد قلندر جگ تے ٹانواں ٹانواں

ملک تہاڈی ملک سخن دا ساڈی باج گزاری  
اک اک شعر تہاڈے اُتے سو سوا تھہر داری

کرم کرو تے دسو حضرت مینوں وی اوہ پاس  
رَج رَج درشن پائے جتوں اکھ مری دا کاس

عشق دا لبو بالے جیہڑی جیہی تھبلی ہووے  
جھلی جیہی طبیعت میری ہووے جھلی ہووے

ڈاڈی بھکھ جے لگی ہووے مگنوں نیں کوئی سنگدا  
میںوں دردِ محبتِ بخشو میں نہیں داڑوسنگدا

انچ سوال کر لیاں جیونکداڑیاں کرے ایاناں  
اس درگا ہوں حضرت صاحب میں نہیں خالی جاناں

امیری



COPY

# امبروی

ماسٹر: آج بڑی دیر نال آیا ایس بشیر یا!

ایہہ تیرا پینڈا اے تے نال ای سکول اے  
جاٹیں گاتوں میرے کوہوں ہڈیاں بھناکے  
آیا ایس توں آج دونوں ٹلیاں گھسا کے

بشیرا: منشی جی میری اک گل پہلاں سُن لو

اکرے نے بھیڑ جیہا بھیڑا آج پایا جے  
مائی نوں ایہہ مار داتے تے بڑا ڈا ہڈا مار داتے  
آج ایس بھیڑ کے نے حد پئی مکائی اے  
اوہنوں مار مار کے مدھانی بھن سٹی سُو

بندے کھٹے ہوئے ہیں تے اوختوں بھج وگیاے  
 مچک کے کتاباں تے سکول ول نسیاے  
 مائی ایہدی منشی جی گھر ساڈے آئی سی  
 مونہہ اُتے نیل سن سجا ہو یا ہتھ سی  
 اکھاں وچ اتھرتے بٹاں وچ رت سی  
 کس لگی سوہنیا، وے پتر بشیریا  
 میرا اک کم وی توں کریں آج ہیریا  
 روٹی میرے اکرمے دی لئی جا ندرے  
 آج فیڑا گیا امی میرے نال رُس کے  
 گھیسو وچ گنھ کے پراونٹھے اوس پکے نہیں  
 ریکھ نال رخصیاں سو آندیاں دا حلوہ  
 پونے وچ بھڈ کے تے میرے ہتھ دتی سو  
 ایہو گل اکھدی سی مڑ مڑ منشی جی  
 چھیتی نال جائیں بیبا، دیریاں نہ لائیں بیبا

اوہدیاں تے لُسدیاں ہوں گیاں آنڈراں  
بھکّھا بھانا آج اوہ سکولے ٹر گیا اے  
روٹی اوہنے دتی اے میں بھجّا لگا آیا جے  
اکرمے نے بغیر جہیا بغیر آج پایا جے



# اَج کبہہ پکائیے

چوہدری : اَج کبہہ پکائیے دس تیرا کبہہ خیال اے

رحماں : میں کبہہ خیال دسٹاں میری کبہہ مجال اے

چوہدری : رحماں چل اَج فیر چسکے امی لا لیتے  
بسمہ جان چنگیاں تے بھنڈیاں پکائیے

رحماں : واہ واٹساں جھیاں نیں دلاں دیاں چوریاں  
میرا وی ایہہ دل سی پکائیے اَج تو ریاں  
لُونواں والی بھنڈی ہووے پوٹا پوٹا ملے ہووے  
سری تے کچر ہووے سوہنی ہووے کوئی ہووے

وچ ہون کبرے دی چٹ دیاں بوٹیاں  
 نال ہون چھنڈیاں تندوری یاں روٹیاں  
 مکھنے دا پیرا ہوئے لستی دا پیالہ ہوئے  
 بھنڈیاں دے نخرے تے گرم مسالہ ہوئے  
 بھنڈیاں بنانا وی تے کوئی کوئی جاندا  
 رتھناں پکانا وی تے کوئی کوئی جاندا  
 اٹھاں فیرو پدہری جی پھڑاں میں تیاریاں  
 بھنڈیاں بناواں آج رچ کے کھاریاں

چوہدزی: رحمیاں ہزار ہون مزیدار بھنڈیاں  
 ہونڈیاں نیں کچھ ذرا ایس دار بھنڈیاں

دھماں  
 دفع کرو چو پدہری جی سبزیں می تھوڑے  
 سانوں ایہہ لٹوڑیاں پکان دی کبیہ لٹوڑے

بندہ کا ہنوں بھنڈیاں دی لیس دی ہواڑ لے  
ایہدے لوں پوئی دی سریش بھانویں جاٹر لے

چوہدری : فیر کسہ خیال اے تیرا جھڑی نہ منا لے  
جے توں اکھیں رحیاں کریلے نہ پکا لے

رحماں : ریس اے کوئی چوہدری جی آپ دے خیال ہی

جھڑی اے کوئی سبزی کرلیاں دے نال ہی

ڈھڈ وچ رانج جویں لوگ پتی اے

تساں گل کیتی اے تے رال وگ پتی اے

سچ پچھو چوہدری جی ایہو میری راء اے

بینوں وی چروکنا کرلیاں دا چاء اے

چوہدری جی ہووے جے کر بلا چنگا پلایا

وچ ہووے قیمہ اُتے دھاگا ہووے ولایا

گنڈھیاں ٹاٹراں دے نال ہووے نینیاں

فیر ہووے گھر دے گھیو وچ بھنیاں

فیر کوئی چوہدری جی اوس داسودا اے  
پیر وی لکھا یا سی ٹساں نوں دی تے یاد اے

چوہدری : ہو رہیا اہندی مینوں ہر گل بھاؤندی اے  
رحمیاں کریلے دھج کوڑ ذرا ہونڈی اے

رحماں : دفع کرو زہرتے چرتیا مینوں لگدا اے  
نہ تے دھریک دا بھرا مینوں لگدا اے  
پلے پلے دنیاں تھلے حبیبہ پئی سکدی  
لکھا مر گیتے تے تر یہہ نیتیں مک دی  
تئے دیاں گولیاں کہیلیاں توں پھکیاں  
ایہناں نالوں چاٹو کوئین دی ٹنگیاں

چوہدری : رحمیاں فیراںج کر توں اسی کوئی راء دے  
پچھیں تے بناؤ توال داوی اپنا سوادا اے

رحماں : رت تہا ڈا بھلا کرے کڈی سوہنی گل اے  
 ایہو جیہے ذیقے والی ہو رکیٹر ا بھل اے  
 کالے کالے لشکدے تے گول مول چاہر لو  
 چوہدری جی لون تے وناوٹں پچول چاہر لو

چوہدری : رحمایاں پکانے نوں تے جی بڑا کر دائے  
 بھٹیاں دی گرمی توں دل ذرا ڈر دائے

رحماں : سچ اے جی چوہدری جی ڈھڈکا ہنوں بالنا  
 کھان والی چیز اے کوئی ویگناں داسالنا  
 بھٹیاں دے ڈک وچ سٹنے ضرور نہیں  
 کاہنوں پے بھجائیے ساڈے ڈھڈ کوئی تندور نہیں  
 دفع کر و بھٹیاں نوں بھٹھے کاہنوں ساڈے  
 جیشیاں نوں چوہدری جی گھر کاہنوں اٹئیے

کالیاں دے نال کاہنوں مارے اڈاریاں  
ساڈیاں تے ہین امریکہ نال یاریاں!

چوہدری : وڈھ وڈھ بولنا ایویں بڑبولیا

سبزیاں توں جائتوں سیاستاں نوں پھوٹیا  
دو جے دی دی سُن کجھ دو جے نوں دی کہن دے  
حکومتاں دی گل توں حکومتاں تے ہین دے  
چنگا فیزجھ بھبھلا میرا کیہ خیال اے؟

بجھ لئی اے چوہدری جی چھولیاں دی دال اے!

رحماں

# بدل

میں کیسہ دُساں ساڈے سر تے  
رکنے جھکھڑ جھلے

کنج اُساں پر چائیاں بھکھاں  
کون ایسہ ورقے تھلے

ہانڈی دے وچ پتھر پا کے  
ہانڈی چاہڑی چلے

سانوں مٹی ملی، تنہا نوں  
خوشبوواں دے حُلے

ساڈی جھولی اتھرو ڈِگے  
پھل تِساں تے دُلمے

اَساں ہنڈائے کُکڑ پالے  
تُساں رضاٹیاں جُلّے  
خورے کد تک راج کر لیں  
لَمَّ سَلَمَے مُکّے  
انور راہیہ کیہہ بڈل بنیائے  
نہ وُتے نہ کُکّے



# یا لیا

ترے ہنٹھاں دے وچ ہا لیا  
مرے سوہنے دیں دی رنج  
توں زری گناں دی گنڈھڑی  
تینوں لکھ سزاراں پنج  
تینوں کدی نہ آؤن تر وٹکاں  
تینوں اللہ دیوے رنج  
رہے بھر دی تیری کاڑھنی  
ترے رکتے بجھتی مجھ  
سدا رہن دھمالاں پاوندے  
ترے دانے چھڈے پنج

# لشے تے چاء



COPY

# لستی تے چاء

لستی چاء نوں آکھدی اے:

میں سوہنی میں گوری گوری تُوں کالی کلوٹی  
میں نیند ردا سکھ سنوڑا توں جگر اتے پٹی  
جس ویلے میں چائیں چائیں چھتے اندر چھلکاں  
کیہڑا سا نبھے میریاں لشکاں کون سنھائے ڈھلکاں  
رنگ وی میرا مکھن ورگا روپ وی میرا سُچا  
دُڈھ ملائی ماں پیو میرے میرا اُچا  
جیہڑا یمنوں رُکن بیٹھے اُس دے واری جاواں  
کھر کے ڈھول مدھانی والا میں فوج بھنگڑے پاواں

میں لوکاں دی صحت بناواں توں پئی صحت دکاڑیں  
میں پئی ٹھنڈ کیلجے پاواں توں پئی سینے ساڑیں

چاء جواب دیندی اے:

پے گئی ایس نی مائی بگو میرے مغر دھگانے  
میریاں سُکریاں بھر دے جیہڑے اوہو لوک سیانے  
میرا حُسن بچپان جیہڑے دل میں اُنھاں دے ٹھکّاں  
میرا رنگ کلکھن اُتے ہیلی ورگی لگاں  
پنڈے دی میں پیر گوانواں جڑوں تھکینویں بھوراں  
ٹھریاں ہویاں عُشیاں نوں میں مٹھیاں کراں ٹکوراں  
توں ایس کھنگ زکام تے نز لکھہ میں گن گن دسلاں  
میرے ننگھے گھٹ اتارن چڑھیاں ہویاں کساں  
کجی رہو توں کجے اندرتنیوں کہہ تھکلیساں  
جے میں سوہنیاں میزاں اُتے رکھاں پئی تشریفاں

لَسی : اپنی ذات کُڑتے ہووے مصری لال نہ لڑیے  
 نی کلمو بیس، کوڑیے، تَتے، بھڑیے، نخرے، سُرپیے  
 نہ کوئی سیرت نہ کوئی صورت مُونہ کوئی نہ مہت  
 توں تے اِنجے جاہیں جیونکر جتن پہاڑوں لہت  
 مینوں کچھ حقیقت اپنی بنی پھیریں توں رانی  
 شوں شوں کر دا، ہونکے بھردا کوڑا نت پانی  
 بھکھ ترہہ دی دشمن ویرن کہہ تیری بھلیائی  
 بندیاں دی توں چربی کھدیں نال کہیں وڈیائی  
 تیرا چو یا ڈھسے کے جیڑے کپڑے نوں ترکاوے  
 سالم گاجی صابن کھر جائے داغ نہ اُس دا جاوے

چاء : میرے سرتوں بھانڈے بھٹے لے ہن میری اُرسی  
 تیریاں وی کر توتاں جانے و سدی دُنیسا ساری

تینوں پینے لٹی جے کوئی بھانڈے دے فوج پاوے  
 تھنہ اہو جئے بھانڈا نالے مُشک نہ اُس دی جاوے  
 تینوں مڈھ قدیم توں وگیاں رت دیاں ایہہ ماراں  
 تیرے کولوں کھٹیاں لوکاں کھٹیاں جیہاں کاراں  
 میرا کھٹ بھرے تے اڑیے جیہی اُداری مارے  
 آگے لنگھ جائے سوچ دا بچھی پچھے رہ جان تارے  
 مینوں پی کے شاعر کرے گلاں سُجیاں کھریاں  
 میں تے خیال دی ڈوری اتے نت نچاواں پریاں  
 میں کیہہ جاناں تیریاں بڑھکاں میں کیہہ سمجھاں تینوں  
 ددھ کرے انصاف تے ایہہ منظور اے بی بی مینوں

ددھ : ایتھے میں کیہہ بولاں کڑیو مسلہ اے ڈاڈا اوکھا  
 گنجل جیہڑا پایا جے نہیں کھلنا اہدا سوکھ  
 گھر دا جی اے ہُن تے چا دوی ایہہ وی جنگی لگے  
 لسی میری جی جی جانی پتیراں نالوں آگے

دونویں میری پُت تے عزت کراں میں کج بکھیڑا  
 سہیڑ لیا جے جگتوں وکھرا ایہہ کہہ تہاں بکھیڑا  
 رکنھوں آج سیانی آکھاں کتھوں آکھاں جھبٹی  
 دواں پاسے رشتہ میرا مینوں کھچ دوٹی  
 نسکی جیہی متزیڑی ہوندی چنگے ہوں جے ماپے  
 میرا وٹا اے دواں وٹے بڑا نوسی آپے

چاء : چاچا میرا بڑا لالگی ایہدے نال میں کلتی  
 شکہ خدا میں نہ ہونی ایہدے ورگی جھٹی  
 شہراں وچ نہیں ایہنوں کوئی کدھر کوئی مونہہ لانا  
 ہر کوئی میریاں صفتاں کروا صدقے ہو ہو جاندا

لسی : سانجھی رہونی چینک بگم ٹھپتی رکھ وڈیاں  
 میں کہہ دتاں گھر گھر جیڑیاں تہو اتیاں لائیاں



گلّوں کر دی تھکدی نہیں توں جیہہ نوں لانی تالا  
 کھنڈ وی کوڑی کیتی اتے ددھ وی کیتی کالہ  
 بُہتی بُڑ بُڑ نہ کر بی بی نہ کر ایڈا دھکا  
 تیرے جیہی کو چچی کو بھی میرے نال مُتکا  
 میری چوہر چار چوہرے تیری مُستانتھوڑی  
 میں دیساں دی صوبے رانی توں پردیس چھوڑی  
 دیس پرائے رانی خاں دی توں سالی بن بیٹھی  
 منگن آئی آگ تے آپوں گھر والی بن بیٹھی  
 رت کرے نی اکو داری گھٹ بھرے کوئی تیرا  
 تیرا وی انگریزاں وانگوں پٹیا جائے ڈیرا

# انجھار

اُکو واری ساری دُنیا بُہا آکھڑ کایا  
سرگی ویلے لے آیا انجھار فروش انجھاراں  
کون سُنے لفظاں دیاں چرکیاں کون پڑھے اہم خبراں  
مانواں دے کئی بال ایانہ چک کھڑے خرکاراں

اوہناں دا کوئی پتہ نشانی دھرتی تے نہیں باقی  
رہ گئیاں انجھار دے اُتے دُہمک پھڑنگیاں لسیاں  
پانی دے نال پانی ہو گئے کل مسافر کتے  
ایسی تھانویں بیڑی دُہتی کسے نہ سُنیاں چکیاں

مڑ کچھ اَنفے لَبَنو لا گئی اَگ باروداں دال  
 خبراں والی اک آجَنسی اَج وی ایہو دَسِیا  
 کھیاں نالوں کول جُستے وَتھ گئیاں بند وِٹاں  
 دَسِیاں رَسِیاں شہراں اُتے مہاں اَمینہ دَسِیا

توبہ توبہ بندیاں نے کیہہ بندیاں دے بھاکیتی  
 مار گئے کچھ نگرے رَل مل مر گئے نین کچھ لستے  
 جیہڑے اکھڑ پھداجاواں اکھیاں دے وِچ رُٹ کن  
 جیہڑی سُرخی نظریوے ادھ لو وِچ بھجی دے

ایڈے قہر سے دیاں اتور جیہڑا خبراں ویکھے  
 آپے اپنیاں ہڈیاں بالے آپے بہہ کے سیکے  
 میرے جیہا نہ مُور کھ کوئی پڑھیا لکھیا بندہ  
 دُکھاں دی میں پِنڈ خریدی پکپوں پیسے دے کے

# انارکلی دیاں شائاں



COPY

پاکستان دے مشہور شہر لاہور دے مشہور بازار انارکلی وچ اک واری میں  
 اک مجھ لنگھدی دیکھی۔ ایہہ اک بڑا ای نادر مشاہدہ سی۔ رکتے انارکلی  
 تے رکتے مجھ۔ ایہہ نظم ایسے منظر کوں متاثر ہو کے لکھی گئی۔

# انارکلی دیاں شان

توں کیہہ جانے بھولیئے مجھے نارکلی دیاں شان  
 وَن سَوَئے گاہک نی ایسے بھلیو بھلی دکان  
 دیکھ نی اڑیے کھتے پاسے وال کسے دے کھلے  
 راہیاں دے پئے کھہڑے پندے خوشبوواں دے حُلے  
 سَتے پاسے کھڑی دے وچ بنگالی رَس کُلے  
 پنج کلیانے موجاں کر لے لٹ لے اڑیے بُلھے  
 دیکھ کسے تھان مومنہ نہ ماریں مُڑ مُڑیا سمجھاناں  
 توں کیہہ جانے بھولیئے مجھے نارکلی دیاں شان

دیکھنی جیون جو گئے ایسے رنگ برنگ پٹولے  
 سیر کریندے نظریں آون پر یاں دے کجھ ٹولے  
 چھڈ دے کھانے کھلاں وٹنیوں عیون نہ جیہیں چھولے  
 چھڈ دے پیئے گڑے دے شربت پی ہن کو کے کو لے  
 بوتل دے نال مونہ نہ لائیں مونہ وچ پائیں کاناں  
 توں کیہ جانے بھولیئے مجھے نار کلی دیاں شانناں

اَلھر شینہ مٹیاراں والی چڑھنل کیہ ا جھلے  
 مونڈھے نال پایا مونڈھا کھینڈائے وچن پٹے دھر گھلے  
 اکیہاں وچ نیں شرم دا بجلا مونہواں تے نیں پتے  
 اچا اچا سارے ویکھن کوئی نہ ویکھے تھلے  
 بیویں نظر کوں کوئی رکھے اچیاں ہن دکاناں  
 توں کیہ جانے بھولیئے مجھے نار کلی دیاں شانناں

چار چو فیڑے ٹیڈی پھر دے یوں بہار دے کیڑے  
 چاہرے ہوئے اُجھڑاں وانگوں پاٹن ہاکے لیڑے  
 دکھیاں اتوں کھل کھل جاوَن ٹچ ٹچ کر دے بیڑے  
 جہڑاویکھے جیہڑا اپنی نوں دنداں سمیٹ دیرے  
 ڈاڈیاں تنگ پوشا کاں دے وچ پھاہنتیاں ہوئیاں جاناں  
 توں کہہ جانے بھولیئے مجھے نار کلی دیاں شاناں

جیہڑی تھا نویں لٹریں آون چار مسافر کھٹے  
 اچن چیتی پے جاندے نیں پیر تڑے کیوں مٹے  
 ہل پوایتھوں بیوا قوفے لوک کرن گے ٹھٹھے  
 ایس دکانے پان وکیندے توں سمجھے نیں پٹھے  
 دٹھا ای ایہہ ساوے پتر سوہیاں کرن زباناں  
 توں کہہ جانے بھولیئے مجھے نار کلی دیاں شاناں



آدڑیاں ایس ڈنگر مالاتوں آج کیہڑے پاسے  
پیسے دے نی پتر سارے ایس گلی دے واسے  
مہا ترڑا بیتھے خالی آؤندے خالی کھڑے کا سے  
پتے جیکر پیسے ہو ورن ڈولھ ڈولھ پندے ہا سے

بھتیاں مینوں آؤندیاں کوئی نیئیں اکو گل مکرناں  
توں کیہ جانے بھویئے مجھے نار کلی دیاں نشاناں

# دینا

میں اک شاعر دکھاں بھربا دکھاں اشدائی  
اپنی لگے اپنی جا پے مینوں پیڑ پرانی

جدوں میں دینے وٹوں دیکھاں میرا دل کرلاوے  
اٹھے پھر خدا دے مینوں ابھو چنتا کھاوے

نقد کوئی نہ سودا لیندائے نہ کوئی لوے اُدھارا  
میں سوچاں ابھہ مٹّی والا کردائے کوں گزارا

جس دے نیزے کاہک نہ ڈھکے بچ ہوئے اوہ مٹّی  
جھٹّے نہ کوئی نوکری ہوئے کیہہ ہونی اے کھٹّی

ایہو کس محنتے والے کدوں ایہہ مخروں لہندا  
ایہہ سوکھے دامار یا ہو یا کھو نہ کھو نہ کدرا ہندا

ایسے پاروں دینے کولوں رسی خلقت ساری  
مت کوئی سودا لیندا لیندا لے آئے بیماری

ایہدی بیماری دا کوئی بھیت کوں نہ پاوے  
ڈک ڈک رکھے کھنگ وچا رکھنگ نہ ڈکی جاوے

ایہہ اک تھکاٹا رہی ایہدی راہ وچ کندے  
کیڑا ایہہ بھار وندا آئے کون ایہہ دکھ وڈے

اوکھے دیلے نکھر جاندا سچن یار نگینے  
ایہہ اک ایسی دنیا جتھے گلی گلی وچ دینے

# جہلم دے پل تے

پہلا : میرے وتوں سائے بھین بھائیاں نوں سلام ہووے  
جائکاں، بزرگاں تے مائیاں نوں سلام ہووے  
لاری والا اجے کجھ دیر کھلووے گا  
سپاں والا باوا اُنساں سُنیاں تے ہووے گا  
بچے بچہ آج ایس باوے نوں سہاندا ئے  
سُرمیر میں ویچیاں ہاں جگ سارا جاندا ئے  
کہہرے نہ آج ایس سُرمے دا جوڑا ئے  
ست ویہیاں بوٹیاں دا عرق تے پنجوڑا ئے  
ایہنے کٹیاں چشمیاں دا پانی پیتا ہو یا اے  
سونف تے کلاب مچ کھرل کیتا ہو یا اے

بھانویں کڈی سُجی ہوئی آئی ہوئی اکھ ہووے  
 لایاں تے چو بھاں دی ستائی ہوئی اکھ ہووے  
 دُھند ہووے، جالا ہووے، بھانویں ہون گھرے  
 اکھاں وچوں پانی وگے نالے اکھ رڑ کے  
 جَن داوی چاٹا جے اکھیاں نیں سہندیاں  
 اٹھدیاں بھندیاں تراٹاں ہون پیندیاں  
 پیڑ ٹھک جاندی اے تے سوچ یگھ جاندی آ  
 اٹو ای سلائی نال ٹھنڈ پئے جاندی اے  
 وہیاں دی نہ دساں دی نہ پنجاں والی بات اے  
 لاری دے مسافراں نوں خاص ای رعایت اے  
 کھٹ کے چلانے نیں میں کارخانے مومنو  
 چار آنے، چار آنے، چار آنے مومنو  
 پائے جیڑا سُرمہ اوہ ناز کر سکدا اے  
 لوڑ ہووے جس نوں آواز کر سکدا اے

ایویں میں قران دیاں قسماں نیں چو کدا  
 دِلوں جے مُکائیے نہ تے وہم نیں جے مُکدا  
 ہنور کیہ اے چپ تہاڈی بھُل نیں جے سجنو  
 چار آنے شیشی دا وی مُل نیں جے سجنو  
 چیز جیہی وی بچیاں ہاں بھلا ہووے سب دا  
 اکھ جیہا کیمرہ تے لکھ توں نیں بھسدا  
 ڈیرے توں منگاؤ گے تے زرخ مال وکھرا  
 ڈاک دا کرایہ تے محصول مال وکھرا  
 کیہڑی سیٹ ابیاں بزرگاں نے بُلایا جے  
 ہنڈ وچ پیسے رکھو آیا جے میں آیا جے

دُوجا: دوستو، بزرگو، نیا نیو، سیانیو  
 دُدھ نالوں پانی ذرا تسی وی کچھ پیانیو

میرے کول دائرے جی دندان دی مشین دا  
 چکّی جے خراب ہووے مزا کیہہ اے پھین دا  
 دندان دیاں پٹیاں نوں میں جڑوں کھچ سٹناں  
 رچھی دی اڑیس نال ہنوں کھچ سٹناں  
 دوستو، عزیز و مری گل ذرا تو لسان  
 کلے دی مار وگے جھوٹ جے میں بولناں  
 دندان یوں کڈھنے تے پٹنے نیں چاہی دے  
 رب جیڑے موتی دتے سٹنے نیں چاہی دے  
 دندان تے مسوڑھیاں دی کوئی وی بیماری ہووے  
 ٹھنڈا تپا پینے دی وی داہدی جے لپاری ہووے  
 جیڑے پاسے میری ایہہ ائی کیہہ جاندی اے  
 مبل وانگوں دندان نالوں پیر کیہہ جاندی اے  
 پکیاں دے وچ نیں ایہہ بند کیتی ہوئی اے  
 وڈے وڈے ڈاکٹر اں پسند کیتی ہوئی اے

حکیم کولوں منگو گے دوا اوہنے دینی اے  
 جیلہ نساں کدنا بیں شفا اوہنے دینی اے  
 روز مَتھے لگناں میں ڈاکو نیں لٹیرا نیں  
 دھیلی اک دوستو ایہہ مل کوئی ودھیرا نیں  
 دندان نالوں ہو ریا رو چیز کیڑی چنگی اے  
 بسم اللہ پکیاں دی جوڑی کتھے منگی اے

تریجا: سال نواں چڑھیا اے تے جنتری وی نویں اے  
 ایسے گلے وکدی وی آج رواں رویں لے  
 ایہدے وچ لکھیا اے جس ویلے لگنا اے  
 چن نوں گہہن کدوں کس ویلے لگنا اے  
 لکھیاں نیں ایہتھے ہن جدوں جدوں چھٹیاں  
 سال وچ ہونیاں نیں کدوں کدوں چھٹیاں



روزیاں دے مچ گھگھو کیہڑے ویلے بولنٹے  
 کتے وجے رکھنٹے تے کتے وجے کھولنٹے  
 ڈیوڑھا کنا لگدا اے، سوا یا کنا لگدا اے  
 لہور توں کراچی دا کراہہ کنا لگدا اے  
 مومنوستان دیاں کتیاں نیں سورتاں  
 دیس دیاں نامی پسواناں دیاں موتیاں  
 ریل دے کرلے داتے سفر دا حساب اے  
 ریل تے نجوم حب دو جفرا حساب اے  
 دُنیا دے وڈے وڈے ملکاں دے حال نیں  
 پنڈراں بیماریاں دے نسخے وی نال نیں  
 جنتری دے مچ دسویں چیز کیہڑی گھٹ اے  
 جنتری ایہہ پورا پنساریاں دا ہنٹ اے  
 کھل گیا اے پُل بھانویں ہل پیاں لاریاں  
 چھڈ کے نہ جان گیاں عینے تے سواریاں

بِیٹاں اُتے ہوو تسی ہولی ہولی سمجھو!  
پنجھی نویں پیسے تے پُرانی پکولی سمجھو!  
جنتری دا گاہک ایسے کوئی وی نہیں دسدا  
چوراں دا جو مُٹھا ہووے کسے تے نہیں دسدا  
ہدیہ روپیہ سی نہ نل دھیلی دوستو  
چنگا غیر اللہ را کھسا اللہ بلی دوستو

# زِجھال

دو رنگیاں جھیاں تیاں نی کل گھر گھر کھین پیاں نی  
 اوہناں دیاں دیاں مینوں دی اوہناں ول کھچے گیان نی  
 راہ جانڈیا ویرا دتیں خاں گھر بوسوہنا کس دا اے  
 دس کیہڑا ویڑا چنگا اے دس کیہڑا مندا دس دا اے  
 کدی دیکھاں مٹی تھتی نوں کدی اوہناں شوقاں دُڑھیاں نوں  
 میں کٹھا ہویا وہاں دا جھٹ آکھن لگا کڑیاں نوں  
 کیہہ دساں کیہڑا چنگا اے کیہہ دساں کیہڑا مندا اے  
 ایہہ مکھی گل مقدر تے ایہہ لیکھاں والا دھندا اے  
 اک وار بڑا اے وڈیے تے مڑھنساں دے مل پندیے جے  
 نی کاہدا چال چڑھیا جے کیوں ہاں دھڑلہ دھڑلہ پندیے جے  
 کیوں جیلاں آپ بنائیاں جے تہاں لکے دواں بھیناں  
 ایہہ بونے نیں، ایہہ باریاں نیں مونہہ اڈے سوئے نیں دیناں نے

ایہناں اندراں دے وچ ہو کے نیں، ایتھے ہنوں نیں، ایتھے ہائیں نیں  
 ایتھے کھوبے دکھاں دے ایں دے سدھراں دیاں انت بلائیں نیں  
 جو ایس کھڈو نے رُجھدی اے اوہ ڈاڈی جھلی ہندی اے  
 کچھ ہو رچا کھیڈو اڑیونی ایہہ کھیڈو اوٹی ہندی اے  
 ایہہ میریاں گلاں سُن سُن کے کچھ اثر نہ ہو یا بالوں نوں  
 کہیہ جانن اوہ تکلیفاں نوں کہیہ سمجھن بھلا جیالاں نوں  
 مڑا نور مول نہ پوہندی اے اک دھپیاں دی ٹھنڈ پھانواں دی  
 جے دل وچ ہووے رونق جیہی کچھ سحرے سحرے چاواں دی  
 اک اکھن لگی دوجی نوں کہیہ ایہنے قصہ چھوہیا اے  
 چل ہو رکے توں پچھئے نی ایہہ ویر سو داٹی ہو یا اے

# تندور

شریفاں دیاں روٹیاں اوہی مرضی دیاں نیں پتیاں لگدیاں - اوہ غصے  
نال ماچھن نوں اکھدی اے

شریفاں :

سُنیاں نیں ساہی چھنڈ کے لٹیں کتاں اگے جھپتی  
ساری تون ونبائی ماسی اہ کہہ گوگے تھپے نی  
کجھ نیں کہندا ماسی تاہیں لالہ چپ چپاتا اے  
کچے گچل کھائے کہڑا گھتے کون مواتا ایہہ  
قہر خدا جے کجھ کیئے بندائے فیرا لاہساں نی  
پیشی داہیں آنا اندائے وچے ای پے کیساں شاں نی

سور



COPY

آٹے داومی ناس کرایاے نال دھاڑی پٹی اے  
 روز گھروں دی جھڑکاں کھائیے سانوں کادی چٹی اے  
 ویکھنی ماسی جیواں جیکراہو چالے تیرے نیں  
 آساں نیں ایٹھے مڑکے آؤناں ہوزند ورتھیرے نیں

اک کڑی (شاداں) تے اوہدی ماں دیر دیاں بیٹیاں  
 ہویاں نیں اوہناں دی اجے تیکر داری نیں آئی شاداں  
 اک کے اکھدی اے

شاداں :

ایٹھے آج نیں واری آؤندی کون اڈیکے پشلتا  
 لبے چھڈ گیاے آٹا بنے بے چل توے تے لوہیتے چا  
 ایہدے ہتھوں روزا یا نے بھکے بھانے سوندے نیں  
 او دوں امی ایٹھے سوتا پینداے جڈں پراڈھنے آؤندے نیں  
 پچھتوں جہڑیاں چنگاں آئیاں پہلوں پٹی بھگتانی ایں  
 جہڑا چنگی دھوتی چاہرے روٹیاں اوہدیاں لانی ایں



چھوٹی سٹ کے کاہلی ایں ہُن تیتے تاء دیاں ساڈن فوس  
 ویکھنی پونا لوہ چھڈیا ائی روندی کھونڈی مارن فوس

ماچھن شاواں دل اشارہ کر کے ادھدی

ماں فوس جواب دیندی آ

جیواں :

توں تے جدوں وی آویں ایتھے نال بھوچل لیاؤنی ایں  
 دُونہ گلیاں دا اٹالے کے بتر نال لبساؤنی ایں  
 حال دُمائی پا دیندی اے جہیڑی آن کھونڈی اے  
 کَلی کسراں پوری آواں ہر کوئی کاہلی آؤندی اے  
 بنگیاں بنگیاں کر دیاں مینوں کھوہ کھوہ کھاؤن لگیاں نیں  
 کل دیاں جتیاں میرے اُتے رعب جماؤن لگیاں نیں  
 میرا دھن کلیجہ اے اڑیو ہونڈی نال جو میرے نی  
 اگے میرے اگتے لبو رولا چار چو فیرے نی

ماچھن دی گل مکدی نہیں تے خیراں جہاں سُنائیاں شروع کر دیندی اے :

## خیراں :

میں سُنیاں تے فی چوری ہو گیا تے زیور کچھ سرداراں دا  
پیشی راتیں کھول کے لے گیا تے کھوتا کوئی گھیا ران دا  
گل نہ کر یو کہدھرے اُڑیو جیناں مینوں کہہ گئی اے  
نخصمے دے نال لڑکے جیر دپیکے آکے بہہ گئی اے  
لاڈاں دے وچ پلایاں دا کوئی سوہے رہنا سوکھا اے  
مینوں پہلاں امی دسدی سی پٹی ایہدا وسیبا اوکھا اے  
بھیت میں ایستھے کاہنوں بھٹاں ملان دی بدنیتی دے  
رُڑھ پڑھ جانے وچ سڑے نہیں سارے پھوہڑ مسیتی دے

کریمیاں تے بی بی دولاں دے پتر آپے وچ لڑے ہوئے نیں۔ بی بی دا پتر بڑا اُلغا اے اوہ  
کریمیاں دے پتر نوں ہر ویلے تنگ کردا رہندا اے۔ کریمیاں بی بی نوں اُلاہماں دیندی اے :

## کریمیاں :

توں وی بول فی مونہوں بی بی جیجھ توں کاہنوں مسیتی اے  
سُنیاں امی تیرے سُر جن ٹکے نوں کماٹی کیتی اے

پرسوں تیرے پیراں دے تعیب دالستہ کھوہیا اے  
 اڑیے تیرا لاڈورا ناچ گچ کے بھیڑا ہو یا اے  
 راہ جانے نوں چکر کر دائے منڈے بول سناں اے  
 ٹٹے ہوئے چھتر وانگوں بُہتا می ودھدا جاندا اے

بی بی آپوں دی اپنے پتر کوں تنگ لے ادھ کر میاں نوں جواب دیندی اے

بی بی :

ایہدیاں بھیڑیاں دساں خورے کیہہ کیہہ رنگ دکھانے نیں  
 لکھوں ہولا کر چھڑیا اے سائوں ایس نمائے نے  
 دھوں دتائے ناسیں ایہنے ودھ کے جتّاں بُھوتاں توں  
 میں می ڈاڈھی تھی آں بھیناں ایس دیاں کتوتیاں توں  
 گھٹکل باہجھوں رہ نہیں سکدا جے کھنے نال کھیندا اے  
 اڈ پڈ جانا، بھٹکی جوگا کدوں نچپلا بہندا اے  
 روز تکیستاں روز اُلاہے شرم نہ ایہنوں آؤندی اے  
 ایس کپتے دتے دی کوئی پڈی پسلی لاؤندی اے

## خیراں :

چھڈو نی گل مُنڈیاں والی مُنڈیاں لڑیاں بہناں ہے  
 تُوں نہ ایستے کرو لڑائی دو نہ گھڑیاں ڈاہناں ہے  
 میں سُنیائے نی چن دے اُتے روس دے اکٹ جانا ہے  
 بندے نالوں پہلاں او تھتے گتا او س چچا نا اے  
 رانجے لگدا اے دنیا مے دن ہو گئے نیں ہُن پورے نی  
 بندے رہن زمیں دے اُتے چن تے جان کٹورے نی  
 گل نہ کریو کہ بھرے اُیو گل وی ایہہ سرکاری لے  
 لے نی ماسی جیواں پیرا ہُن تے میری واری لے

# ورہیاں دے پنیدے

سوچنا واں پشے زمانے دیاں گلاں نوں  
گھروں پیر کڈھناں کوئی سوکھی جہی گل سی؟  
راہواں وی گھنیریاں ہنیریاں تے سُبجیاں  
شیر خورے کنیاں دا ڈھڈھا پاڑ جان دے سن  
سب خورے کنیاں نوں ڈنگ مار جان دے سن  
تھائیں تھائیں ٹھگ سُن، تھائیں تھائیں چور سن  
ٹھنڈ وچ لاہ لئے ڈاکو واں نے کپڑے  
خورے کئے رُٹے سُن خورے کئے اُپرے  
اساں آج کیتیاں نے کنیاں ترقیاں  
چن نوں پئے مارنے آں اسی بھانویں چھیاں

آج وی مسافراں دی اوہوای برات لے  
 ڈاکوواں نوں کالی رات چودھویں دی رات آ  
 روز پئے سُننے آں ایہو جیہیاں خبراں  
 فیر کوئی بس کسے بس نال بھڑ پیئی  
 فیر کوئی گڈی کسے کار نال کھیہ پیئی  
 فیر کوئی لاری کسے کھڈ وچ ڈھے پیئی  
 کل ابجے ڈھٹی لے میں سڑکے دے موڑ تے  
 نویں تے نکور اک ٹٹئی ہوئی کار سی  
 جدھے وچ رستاک گھبرو جووان سی  
 حُسن تے جمال والی مکی ہوئی حد سی  
 بانکا جیہا مکھڑا سی اُچا لسا قد سی  
 خورے کدھا پت سی تے خورے کدھا دیر سی  
 ابجے اوہدی اُنکلی تے منگنی دی چھاپ سی

کڈی سوہنی دکھ سی تے کڈا سوہنا رنگ سی  
 خوئے کپڑی تیتی دے سہاگ دی اُمنگ سی  
 لہو وچ بھجی سی جو سڑکے دے موڑ تے  
 اساں آج کیتیاں نیں کیتیاں ترقیاں  
 ورہیاں دے پنیڈے آج پلاں وچ مکدے  
 سوچنا واں اپنے زمانے دیاں گلاں نوں  
 کھروں پیر کڈھنا کوئی سوکھی جیہی گل اے

# چار شعر

سب نے اپنی ہنچو مالا کلم کلیاں چینی اے  
کنڈھاں بھانویں سانجھیاں ہوون پیرتے اپو اپنی اے

قدرت داوی بندیاں دے نال ماواں والا لکھا اے  
کچھ پچا ہر کسے نوں جمنیاں خنڈ کسے نوں تھپنی اے

اندر باہر خوف دوئی ایس سمے نے دتے نہیں  
بوہے بوہے بیٹھی ہوئی اک دو مونہی پسینی اے

بچپن مڑ مڑ چیتے آوند اے دور کوتیاں اڑیاں دا  
مکھی پی پے دونی ہووے بالاں رسی طینی اے




# حالِ اوٹے پاہریا



پنڈوچ پنچایت لگی ہوئی اے تے پہلاں دولتے بولدی اے

دولتے :

آج میں ابہہ کُچھنا ایس میرے فوج چوہدری جی کیٹری ویرائی اے  
کیٹری سٹھ ماری اے کیٹرا کوٹھا پٹیا اے کیٹری کندھ ڈھائی اے  
گھر وگھری ویریاں لالو تیاں، اکاں بھڑکائیاں نیں  
منّاں مونیہں تہمتاں دلاں فوج مٹھیاں تے میرے متھے لائیاں نیں  
رنکی جتنی گل اتوں حال اوٹے پاہریا، حال اوٹے پاہریا  
سارا جگ جاند اے برکتے دے مُندے بے جیہڑا کل چن چاہریا



پنچاٹ

COPY

ماں کدوں گھٹ سی ایہ بچتا اودوں دھلے نرا می فسادے  
ساگ نالوں بھاڈ اتنا تے گل سینوں بھل دی نیں اچے تک یادے

ایہ داپریاں سواہریاں سن کے برکتے توں بڑا سا ڈاگدا اے۔

اودہ وی اٹھ کے کھلو جاندی کتے دوسے توں اکھدی اے

برکتے :

بیٹھ اے توں رانیئے گھر دیاں نوں پیٹے تے خصماں نوں کھانیئے  
پھتے کیہہ گواہ تیرا، اوہنے کیہڑا تہر یا بار پڑھ پڑھ جانیئے  
لال سلی ہونی ایں پی، ایویں منجھ کیری ایں، گل تے نکھیرے  
مڑ پینوں بولی ماریں، منجھ تھلے آپوں وی ڈنگوری پھلاں پھیرے  
لاج نیں آوندی تینوں نچے جہا اتھرا وی منڈا کسے جھناٹے  
ایہو جہا بھیر کاوی ایڈا وی بدید چھو ہر جگ چوں بھناٹے  
ایہدے ہتھوں سڑ کے ای، جاموں تیرے نصے دا، سر کھنہ کھولیا  
حوالاتوں آئے میں سبھو کجھ دساں گی توں جو جو کفر تویس

توں تے ایہو آکھنی ایں، پانی وی نہ لیتے جتھے، او تھے ایہنوں مایے  
 رکھ دے پُت اُنت چکی، کہ دھے پُت بھر جایا، دس خاں نی دایے  
 داری کجھ کن لگی اے تے گاماں اگوں بول پیندا اے

## گاماں :

پتہ ایہنوں ہے کوئی نیں، برکتے نے طعیناں دی الف لیلہ چھوہی  
 میرے کولوں پھوٹسی، میں دساں چوہدہری جی، گل جہیری ہوئی اے  
 پرسوں دی گل اے جی، پیشی ویلے ڈنگراں نوں، پانی شانی ڈاھ کے  
 اُمبیاں دے بوٹے تھلے، داری پایا نندا ساں میں، حقہ شقہ پاکے  
 باجرے دے اوہلے اوہلے، لبھدی جے چوہدہری جی، اوہ جہیری تھیں اے  
 کھوہ جتھے دُکھ ائے، میلہ جتھے لُکھ ائے تے، پیپے دی چھاں اے  
 ایٹھے ای میں ڈٹھے سائے، برکتے دا پھتتا تے فروجا دارا کھیدے  
 وار و داری سائے، مانی، گولی پلا، کُلی ڈنڈا، گچی چار اکھیدے  
 پنڈ دیاں جالنگاں نوں، ہسڈیاں دیکھ کے تے میں وی بُرا ہسڈیا  
 پنتہ نیں کیہہ ہو یا فیر، ایہ ہسڈیاں بھر پئے، میں چھیتی ناں سبیا

ایہناں نوں چھداوندیاں، رولار پاپاوندیاں، ہوئی کھڑی گھٹا  
 ریل میرے متھے اُتے، روڑ میرے سر وچ، پٹ اُتے پھٹا  
 جھوٹا کھنوں بولنا ایں، میراں ایہہ گلاں تسی جیگی طر حال کچھ لہو  
 ایہہ دیکھاں کول بیٹھائے، میراں بشک اوتھے ای سئی ایہنوں کچھ کھو

میراں بخش :

ٹھیک کہند اے گامناوی، رب نہ کھائے کدی، ایہنے جھڑی سہی  
 سچ بچھو چوہدری جی، ایس غریبڑے نوں، بڑی پنج پتی اے  
 پھتے نے حد کیتی، کسے دانہ دید کیتا، ڈانگو ڈانگی ہو پیا  
 پہلے سائے مانیاں دی، راج ایہنے کھمب لاہی، مڑ پچھوں روپیا  
 نچے نوں پھنڈک کے، فروجے نال، مک کے تے گامے نوں لتاڑیا  
 نیکے منڈے اٹھ کے تے، ڈانگ جھڑے گھبر و نوں چک چکایا  
 میراں بخش اجے بیہن ای لگدا اے تے جیرا اپنی جھوہ دھردا اے

جیرا تھتھا :

میں وی اکھیں ڈھکیا، جنگ دی ایس اک تائیں، نَن نَن نچے پھول ماریاں  
 اپنی ایہنے دُڈ دُڈ نہ پائی، کسے دی نہ سنیاں، میں ڈھیر کوکو کوکو کال ماریاں

بھیا چھڈان لئی تے مسّاں اے ہنچیا ساں رز رز اجیاں دی ماٹری کول  
گاٹیں مینوں چھڑاماری ڈوڈو ڈوڈو بھار ڈھے پیامیں مومو مومو لیاں دی کھاری کول

چوہدری ہوری ہیرے نوں اکھدے نیں

پڑ پڑے پاکجھ، تھتھ تھتھ کدنا ای، تھتھیا توں رہ جا!  
گل جے نیں اڈندی تینوں، مورا کھاتوں بہہ جا، مورا کھاتوں بہہ جا

چوہدری ہوراں دا فیصلہ

تُنا ڈیاں کہ ورتاں دا، ویراں دا، عداوتاں دا مینوں بڑا سَلّے  
ہتے دیلے جھگڑے تے ہر دیلے جھانجھے بڑی بھڑی گلّے  
نک ساڈی جان آئی، روز دیاں تیاں نے سنا نوں اڈا پٹیاے  
مُنڈیاں تو چوڑے تے تَساں لہر بھڑکے تے پند بھنڈ سٹیاے  
لوکی ایہو سمجھدے کو اہنڈیاں دے پند مچ، جن بھوت نچدے  
چھاہ دیلے، بھتے دیلے، دِیکری تے شام دیلے روز بنگ چدے  
رکتے تسی دُک پے او تہرم انی نہیں ہسی اگا، وڈیاں دی پگ دسی  
کسر کپڑی ہسی اے کچھیاں تے تھانیاں تے روز بھیر لگدی

بٹھا کر یہ جے دستو مینوں، پیشیاں پوا کے، وکیلاں مل جا کے  
مال ڈنگر زمین بھانڈا، دانہ دکا، لیف جلا، سٹھ بندھے پا کے  
پنڈ وچ سجھنوا بہت تیاں بھنڈیاں دا گند جھا گند اے  
میرا ایہو فیصلہ اے، برکتے تے دولتے دا، حقہ پانی بند اے



# تسّیاں

ڈا ہڈے سوہنے وقت اوہناں دا

دم ہو یا سی پورا

سرگی ویلا

رات جمعے دی

رب دیاں رحمتاں برکتاں والا سی رمضان مہینہ

بخشیاں ہو یاں

نیرکاں پاکاں لوکاں دی قسمت نیں

ایڈ مبارک گھڑیاں

ڈکے ہوئے ہوا دے بٹھے  
مُدتاں بعد اُس راتیں جھلے  
رج کے رب دی رحمت دتی  
بدل آکھے ابّو اج آں  
لا بیٹھاسی جھٹیاں

اینی خلقت کٹھی ہوئی  
میں کیہ دتساں  
ایناں فیر جنازہ ہو یا  
کدی نہ ایناں کنیں سنیاں  
کدی نہ دٹھا اکھیں  
لوکی بھج بھج مونڈھا دیون  
اگے پچھے

سُجّے کھتے  
ہر کوئی واری لیتے  
دُنیا اُتوں، اوہناں جیمیاں  
نیک کمائیاں  
کسے کسے نے کھڑیاں

کراماں والے سن اوہناں نوں  
مولا دتی  
جگہ قبر دی  
ڈاڈھی سنگمنی چھانویں  
سدا بہاریں بوٹے اوہتے  
تے اوہناں دیاں  
سوہنیاں شناخاں  
جیوں پھلّاں دیاں لڑیاں

دل دا بوجھ گھٹانا ہووے  
لکھ دیلاں آنور  
بانک جے پرچانا ہووے  
طفل تسیاں بڑیاں

COPY

# پٹ سیاپا



سس :

توں جیہڑی وی گل کرنی ایس اوہ ڈاہڑی تہتی کرنی ایس  
تینوں بڈھڑی مائی کبہہ آکھے توں اک دیاں جھپتی کرنی ایس  
کبہہ تکیا تے کبہہ تنکنا ایس کسے کوٹری دنیا فانی دا  
اک تیسرا ہنٹھ زبانی دا مڑا بڈا مان جوانی دا  
نیس تینوں خوف بزرگاں انیس تینوں دید بھراواں دی  
پاکھیں سُر مہ شرمیاں دا سُرخی کُڑے جیسا داں دی  
نہ تیرے کینیں کانٹے نیس نہ تیری باہیں چوڑے نیس  
ترا زبور سُرخی پوڈرے ترے سارے فیشن کوٹے نیس

# پسیپا



COPY

نُونْہہ :

کدی سُر مہ تینوں چھدا اے کدی مرا سوا ہندو اے  
 توں انجے ای وڈھن مینی اس جو تیل جو انہہ اے  
 ریکہہ سُندے گندے اکھن گے لکھ لعنت جیہاں خیال لائے  
 کدی ٹوکاں بہن کھپیاں تے کدی میریاں کھپیاں والاں تے  
 تراچتا ایڈاپکا اے جو یں ویر و ہابی سنی دا  
 ہر ویلے مہناں بُرقے دا ہر ویلے جھگڑا چنی دا  
 ایہہ میرا دھن کلجیجے اے جو میری مٹی مننی اس  
 ہتھ پا کے میرے پلے نوں توں ساریاں تنداں گننی اس

(ایسے چروچ گواہنڈن وی بنیرے تے آکھلندی اے تے پھپی اے فی بھیں  
 ریکہہ ہو یا؟ فونہ سس ول اشارہ کر کے گواہنڈن نوں جواب دیندی اے)

نُونْہہ :

مرے نال مُتکا لاندی اے ایہنوں وہیل جدوں وی ملدی اے  
 ایہہ بھپے کٹن کہندی اے کیوں آنا گنھدی ہلدی اے



کیوں مینوں ٹوکاں کر دی اے ایہہ بُڈھی اجے ایانی اے  
 ایس اپنی گوے پنیاں اے میں اپنی کیتی پانی اے  
 کھی جوک اوتی چڑھی اے نہ ڈردی اے نہ مردی اے  
 نت نویں ڈھنڈوے دیندی اے نت نویں تماشے کر دی اے

سس :

کسے مول نہ ڈھٹی ہووے گی کوئی ایڈی رن کیتی نی  
 کیوں سپنی نوں مونہہ لایا اے میں تتی تت بھرتی نی  
 گھر مرے پولا آیا سی کہ توپ دا گولا آیا سی  
 سرٹ گئے نصیب نانی دے جدوں ایس دا ڈولا آیا سی  
 جد شا میں بابو آوے گا جا خصمے آگے رووے گی  
 ہن سارا لوک ہساندی اے مڑ روکے سچتی ہووے گی  
 اوہ ایہدے بھانے لبخے ای اے اک جو یں کھڈونا مٹی دا  
 کوئی ایس اُجاڑا پایا اے کوئی نخر اے ماں پیو پٹی دا

ایس توں بعد نوئہ تے سس پچی جی لڑپندیاں نیں۔ سوہرا دردا  
چھڈان نیں آؤندا تے دُور وِ اِی دہائیاں دیندائے۔

## سوہرا :

نی اڑیونی، نی اڑیونی، نہ لڑیونی، نہ لڑیونی  
لڑپیاں جے، لڑپیاں جے، کوئی پھر یونی، کوئی پھر یونی

ایسے چروچ بابو دفتروں آجاندا اے۔ گھر وچ لگی ہوئی رونتی،  
دیکھ کے تے اوہنوں اک لگ جاندی اے تے غصے وچ اکھدا اے

## بابو :

کیسیا پٹ سیا پاپنیا اے نت خلقت کھٹی ہوندی اے  
رکبہ بنیاں وسدے جھگے نوں اک پٹی اے اک روندی اے  
میں تھکا ٹٹا گھر آیاں گھر اوہو اٹ کھڑکا اے  
ایسے جیہڑا ضدے چڑھدا اے اوہ اپنی ضد دا پکا اے  
اس نت دی کھڑبا کھڑبی نے کئی بسبھناں دی مت تارے  
جیہڑی پرسوں سی جیہڑی کل وی سی اج اوہو بھنڈی نواڑے

اس محلے دے وچ ڈٹھا جے کدی ایس طرحاں پڑ پیندے نہیں  
 ایستھے ہو رو وی لوکی بستے نہیں ایستھے ہو رو وی لوکی رہندے نہیں

بابوئے آؤن ناں نوئہ ہو رو وی شیر ہو گئی اے تے کندی آ

نوئہ :

میں ایس کپتی سسٹو دے جھکڑے توں اٹھی اکی آں  
 نیس مڑ دی گل ودھانے توں میں تے لے لے تھکی آں  
 کوئی چو بھاں کد تک جردا لے کوئی سوہاں کد تک سہندا لے  
 مرا ایستھے ہون گزارا نیس ایہہ ویہڑا وڈھن پیندا اے  
 ساہ سکھ دا ایستھے آؤندا لے کسے وڈے فون نہ نکے نوں  
 میں ایہہ پئی پیکے جانی آں سا بنھ اپنے سر جن ٹکے نوں

وگچہ



COPY

# وگوچہ

کھتے شرم حیا دی سُرخ، کھتے گت پراندانی  
ہون لطن نہیں آندانی  
کیہڑی تیز ہوا دُبھالے گیا سروں دوپٹہ نی  
سروچ پے گیا گھٹہ نی  
کس نے کھوہ لسی تیرے کولوں تیری نظر بجلی نی  
ہیویں تے شرمیلی نی  
ویلا گوک رہیا ای کر لے باگے دی رکھوالی نی  
جے توں عقل دا لی نی  
ویلے دا جو پاس نہ کرسی ویلے نوں پھٹا دے گا  
دو نہہ دو نہہ تھیں تا دے گا  
”اک کڑی دی چیز گواچی بھلکے چٹا آوے گا“

# اک خواب



ڈٹھی میں اک حُرمِ رے ول پِلیاں پاندی آوے  
اک نظر مستانی جس دی لکھ بھٹیکھے پاوے

ایڈی سوہنی چھیل چھیلی جھاتی پاندے ڈریے  
بدل اوہدیاں زلفاں اگے آکھن پانی بھرے

قد اوہدارب اپنی ہتھیں بوٹا لایا ہو یا  
رنگ اوہداجیوں میدے مچ سندور ملایا ہو یا





COPY

حُسن، جمال تے رُوپ اوہیے داکوئی نہ حد بتاں  
اُس دیاں نازک ہتھیاں دے وچ سونے داک چھتاں

اوہ چھتاں اُس آن کے میرے ہوٹھاں نال لگایا  
ہا بڑ ہا بڑ پین لگائیں ورہیاں دا تر مایا

ٹھنڈا ٹھار پھلو دا سنگھوں لنگھدا جائے آگے  
دُودھ ورا چھیاں میریاں وچوں سبجے کھتے وگے

دُودھ پھلو دے چاہڑے مینوں نشے شراباں والے  
ایسے چروچ ہو روی خوراں کھلیاں آن دوالے

اوہناں نے کجھ ہو رسوغاناں میرے لئی منگوائیاں  
قسماں قسم مڑتے، میوے، حلوے تے مٹھیاں

مڑ میں ایناں وگ تنگ کھا داکڑ تا ڈھڈ نہ کجے  
پاٹن ہاکا پیٹ ، ندیدی اکھ مری نہ رے

میری ایہو نیت سی پئی کدی نہ ایہیوں ہلیے  
خوراں اکھن اوہی ہن سیر کرن نوں چلیے

اک تھاں مینوں شہد دی اوہناں وگدی نہر کھائی  
جیوں جیوں ویکھاں ڈھدی جے اکھیاں دی شنائی

کاراں اتے جہازاں والے بھل گئے سب جھوٹے  
قوس قزح مچ بھا کے مینوں خوراں دتے ہوئے

ہر کوئی مینوں جی جی بولے آکھے راج دُلا را  
میرے نال پروہنیاں ورگا اوہناں دا ورتارا

سرمیوں جھبیاں سوہنیاں ناراض دستن ہر ہر پاسے  
پتے لک، بسنتی چنیاں ہوٹھاں اُپر ہا سے

میں چھپانی حورو اڑیو کاہنوں کھڑکھڑہستو  
میری ایڈمی خدمت خاطر، وحلی گل تے دَسو

آکھن لگیاں بیبا ابدا پردہ کاہنوں پاناں  
جنت وچ ایکشن ہونا ئے ووٹ اسانوں پاناں

## قطعہ

اُنہاں ہتھوں گواٹیاں اَدھیاں دُی  
جھٹاں نے پُوریاں دے خواب ویکھے

اوہ طوطے بولنوں وی رہ گئے نیں  
جھٹاں نے چُوریاں دے خواب ویکھے

تُساں روئی بنا یا عرضیاں توں  
اساں منظوریاں دے خواب ویکھے

اساں ہینگھلاٹ رُج پائیاں مُراداں  
اساں مجبوریاں دے خواب دیکھے

تھلاں وٹوں کوئی آیتاں افور  
اساں کستوریاں دے خواب دیکھے

COPY

# پیر فضل گجراتی دی یاد وِچ

چیتے آؤندائے تیری غزل دامت مُعطر موسم  
تیرے باہجھوں دل وِچ ہُستِ محفل دے وِچ گُٹاں

تیری طرز سخن وِچ رت نے اودہ تاشیراں پائیاں  
تیرے مٹھے بول جے سُن لے مٹھا ہو جائے مُٹّاں

جس پر مینوں تُوں اک واری شعر عنایت کیتے  
اُج اُس ورقے نوں میں پیرا سو سو واری چُٹّاں

خلقت دے دج ہوندے رہنے خُلق تے دے چچے  
رہندی دُنیا توڑی رہن شعر تے دیاں دُھماں

اَج تے تیری سبک دیاں میرے دل مِچ بَین تراں  
”اَج راتیں نہیں سُنیاں کہ مہرے فضل دیاں کُلاں“

—  
COPY



# مصنف کی دیگر کتب

- میلہ اکھیاں دا (پنجابی کلام)
- پنجاب رائز گلڈ انعام یافتہ
- قطعہ کلامی (اُردو قطعات)
- فارسی ادب کے چند گوشے (تحقیقی اور تنقیدی مقالات)
- غنچہ پھر لگا کھلنے (اُردو طنزیہ مزاحیہ کلام)
- ہُن کیہ کرئیے؟ (پنجابی کلام)
- ہجرہ ایوارڈ یافتہ
- تقریب (تعارفی مضامین۔ اُردو)
- اک در بچہ اک چراغ (سنجیدہ شاعری۔ اُردو)
- عجمی ایوارڈ یافتہ
- شاخِ تبسم (مزاحیہ شاعری کا سنجیدہ مطالعہ مع انتخاب کلام)
- میلی میلی دُھوپ (اُردو و پنجابی سنجیدہ/مزاحیہ شاعری)
- درپیش (اُردو مزاحیہ قطعات، غزلیات اور منظومات)
- بات سے بات (مضامین)

COPY